

Z A P I S N I K

sa IX sjednice Vijeća Građevinskog fakulteta Univerziteta u Sarajevu, održane dana 11.07.2019. godine, sa početkom u 10.00 sati, u sali 8 nastavne zgrade Fakulteta, ul. Patriotske lige br. 30.

PRISUTNI ČLANOVI:

Nastavnici:

Dolarević dr. Samir, Hrasnica dr. Mustafa, Skejić dr. Adis, Kurtović dr. Azra, Simonović dr. Goran, Ilić-Georgijević dr. Emil, Imamović dr. Ismar, Milašinović dr. Zoran, Topoljak dr. Jusuf, Vrce dr. Esad, Tuno dr. Nedim, Pozder dr. Mirza, Mulahusić dr. Admir, Ademović dr. Naida, Milišić dr. Hata, Albinović dr. Sanjin, Medić dr. Senad, Mulić dr. Medžida, Omićević dr. Džanina, Serdarević dr. Amra, Hadžić dr. Emina, Mešić dr. Esad, Balić dr. Anis,

Saradnici:

Nedim Kulo (G), Suljević Samir (K), Damir Hasanspahić (Mat.), Krdžalić Dževad (G), Mladen Kapor (Kat.za geol.), Medić Jelena (K), Lazović Nerma (H), Džubur Alma (H)

Studenti: -----

ODSUTNI ČLANOVI:

Nastavnici i saradnici: Ibrahimbegović dr. Adnan, Čerimagić dr. Đenari, Džebo dr. Suada, Ljevo dr. Žanasa, Jusić dr. Suvada, Šarić Ammar (S),

Studenti: Damir Tahirović, Nizama Drljačić i Izet Nanić,

Na prijedlog dekana usvojen je sljedeći:

D N E V N I R E D:

- I Usvajanje Zapisnika sa VIII sjednice Vijeća Građevinskog fakulteta, održane 02.07.2019. godine;
- II Prigovori kandidata na Preliminarnu list kandidata koji su u prvom roku prijavljeni u prvu godinu prvog ciklusa studija studijskog programa građevinarstva i studijskog programa geodezije i geoinformatike.
- III Usvajanje konačnih spiskova kandidata koji su u prvom roku prijavljeni u prvu godinu prvog ciklusa studija studijskog programa građevinarstva i studijskog programa geodezije i geoinformatike.
- IV Izmjene i dopune Plana realizacije nastave prvog (I) i drugog (II) ciklusa studijskog programa građevinarstva i studijskog programa geodezije i geoinformatike na Građevinskom fakultetu Univerziteta u Sarajevu za akademsku 2019./2020. godinu;
- V Razno.

Ad/I

Prof.dr. Azra Kurtović je pitala da li je u Zapisnik sa prošle sjednice trebalo u tački XIV biti tako detaljno napisano o raspravi o temi prepisivanja, jer je to tema o kojoj stalno pričamo, da li se to moglo ublažiti. Dekan navodi da misli da navodi u tački XIV Zapisnika nisu preopširni i da nigdje nije navedeno da se o toj temi prvi put raspravlja. Drugih primjedbi na Zapisnik sa VIII sjednice Vijeća Građevinskog fakulteta, održane 02.07.2019. godine nije bilo, te je isti jednoglasno usvojen.

Ad/II

Dekan upozna je Vijeće da je na Preliminarne liste kandidata koji su u prvom roku prijavljeni u prvu godinu prvog ciklusa studijskog programa građevinarstva i studijskog programa geodezije i geoinformatike podnesen jedan (1) prigovor i to prigovor kandidata Timura Grubića. Centralna komisije za provođenje postupka prijema kandidata u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike je ponovo pregledala prijavu navedenog kandidata, bodovanje prema utvrđenim kriterijima i rangiranje istog na listu prijavljenih kandidata.

Na osnovu uvida u navedeni izvještaj Vijeće je donijelo odluku da se žalba kandidata Timura Grubića na Preliminarnu listu prijavljenih kandidata za upis u prvu (I) godinu studija studijskog programa građevinarstva na Građevinskom fakultetu Univerziteta u Sarajevu se usvaja kao osnovana. Kandidatu Timuru Grubiću su ponovo izračunati bodovi na osnovu kriterija i mjerila za bodovanje, te će na osnovu istih biti rangiran na konačnoj listi prijavljenih kandidata za upis u prvu (I) godinu studija studijskog programa građevinarstva na Građevinskom fakultetu Univerziteta u Sarajevu.

Ad/III

Nakon donošenja odluka po prigovoru kandidata na Preliminarne liste prijavljenih kandidata za upis u prvu godinu studija studijskog programa građevinarstva i studijskog programa geodezije i geoinformatike na Građevinskom fakultetu Univerziteta u Sarajevu, Vijeće je usvojilo Izvještaj Centralne komisije za provođenje postupka prijema kandidata u prvu godinu prvog i drugog ciklusa studija studijskog programa građevinarstva i studijskog programa geodezije i geoinformatike u prvom upisnom roku u akademskoj 2019/2020. godini.

Usvajaju se konačni spiskovi prijavljenih kandidata u svim statusima – rang liste, koji su u prvom roku prijavljeni u prvu godinu prvog (I) ciklusa studija studijskog programa građevinarstva i studijskog programa geodezije i geoinformatike u akademskoj 2019/2020. godini.

Konačni spiskovi kandidata u svim statusima – rang liste, koji su u prvom roku prijavljeni u prvu godinu prvog (I) ciklusa studijskog programa građevinarstva i studijskog programa geodezije i geoinformatike u akademskoj 2019/2020. godini će biti objavljeni na oglasnoj ploči i web stranici Građevinskog fakulteta Univerziteta u Sarajevu.

Kandidati koji su prema rang listama kandidata ostvarili pravo na upis obavezni su u roku od sedam (7) dana od dana objave konačne liste prijavljenih kandidata – rang liste, dostaviti originalne dokumente Građevinskom fakultetu Univerziteta u Sarajevu i izvršiti upis.

Ad/IV

Na prijedlog prodekana za nastavnonaučni rad Vijeće je donijelo odluku o utvrđivanju Prijedloga Izmjena i dopuna Plana realizacije nastave prvog (I) i drugog (II) ciklusa studijskog programa geodezije i geoinformatike i prvog (I) ciklusa studijskog programa građevinarstva na Građevinskom fakultetu u akademskoj 2019./2020. godinu – pokrivanje nastave za opšte predmete kao i predmet „Ekonomika i građevinska regulativa“. Za realizaciju ove Odluke zadužuju se rukovodioci odsjeka i katedri i prodekan za nastavnonaučni rad.

Ad/V

Pod ovom tačkom dnevnog reda javio se doc.dr. Senad Medić koji je u vezi rasprave na prošloj sjednici Vijeća po pitanju prepisivanja, postavio pitanje šta bi trebalo uraditi ukoliko neko kopira ili plagira svoj magistarski rad. Zamolio je da možda prof.dr. Naida Ademović odgovori na njegov upit.

Prodekan navodi da u tom slučaju dekan pokreće proceduru pred Etičkim odborom Fakulteta.

Prof.Milašinović navodi da dok kandidat ne magistrira, odnosno ne doktorira, takva pitanja treba postavljati članovima komisija. A što se tiče prepisivanja od strane studenata, odgovornost je prvenstveno na studentima, ali i na profesorima.

Dekan navodi da je glavna odgovornost za eventualni plagijat je na onome ko je to uradio. U ovom momentu se postavlja pitanje da li je Senad Medić iznio svoj stav da je doktorski rad kolegice Naide Ademović plagijat njenog magistarskog rada.

Prof.Naida Ademović navodi da Senad Medić njoj ruši sve još od 2013. godine, te da ukoliko smatra da treba da ruši i njen doktorski rad, neka sruši.

Dekan traži od članova Vijeća da kada diskutuju po bilo kom pitanju na sjednicama, lične sukobe ostave po strani.

Prof.Naida Ademović navodi da svi znaju da je bila i zašto je bila u Portugalu. Navodi da ništa nije plagirala, a i da su njeni mentor i komentor bili upoznati sa svim.

Prof. Mustafa Hrasnica navodi da nije nikada vidio magistarski rad prof. Naide Ademović, te navodi da ako treba neko da upoređuje magistarski i doktorski rad prof. Naide Ademović, neka upoređuje. Ističe da je uložio dosta truda u taj doktorski rad.

Dekan ističe da su ovo ozbiljne optužbe i da može biti problem da neko sa jednim radom dobije dvije titule. Ako je rad identičan, teško da se mogu po osnovu istog dobiti dvije titule.

Prodekan pita da li je potrebno podnijeti zvaničnu pismenu prijavu.

Dekan navodi da je sumnja na mogućnost plagijata iznesena na sjednici Vijeća i to će ući i u Zapisnik Vijeća.

Nakon rasprave Vijeće je zauzelo stav da se utvrdi postupak i procedura provjere i upoređivanja radova, s ciljem otklanjanja ili potvrđivanja sumnje na plagijarizam, te da se u tom cilju pokrene postupak pred Etičkim odborom fakulteta.

Sjednica završena u 10.40 sati.

Zapisnik vodila:

Sabina Bajrić, dipl. pravnik

Sabina Bajrić



Prof. dr. Samir Dolarević, dipl. ing. građ.

Br. 02-1-1150-1/19.
11.07.2019.